



kat. komp.

14170

III

Mag. St. Del

P

Abrahtin


Episcopus Cracoviensis.

Bieducki Martini. Bene et feliciter principa-
re et praevalere. J. Alb. Denhoff - consecrator.

PANEG. et VITAE

Polon. Fol.

N. 213



gnus
B E N E

&

FELICITER
PRINCIPALE,

AC

PRÆSULEUM;
CELSISSIMO.

ILLVSTRISSIMO & REVERENDISSIMO DOMINO,

S. R. I. PRINCIPIS,

D. GEORGIO ALBRACHTO

D E N H O F F E,

EPISCOPO CRACOVIE: DUCI SEVERIÆ, SUPREMO REGNI,
& DESIDERATISSIMO ACADEMIÆ CRACOVENSIS

CANCELLARIO:

Inter Auspicata Solennia

1701

Splendidissimi Ingressus

Ad Inclitam Regni Metropolim, Sedemq;

Suam Episcopalem

CRACOVIAM;

Publicæ lætitiæ & officiosi cultus gratiâ

CONSECRATUM.

A

M. MARTINO BIELECKI,

Collega Maiore, Regio & Tyliciano Eloquentiæ Professore,

S. ANNÆ Cracovien: CANONICO.

Anno Domini BENE & FELICITER venientis, in Salutem
Humani Generis 1701. Die Nona Octobris.

CRACOVIAE, TYPIS UNIVERSITATIS.

AD ILLVSTRISSIMAM,
&
EXCELLENTISSIMAM
CELSITVDINEM
SCAZON.

Princeps corusco Sole clarius spargens
Ignes, novæ felicitatis, in Craci
Orbem, diu sub nubibus malignantis
Fati, gementem; FASCIA MALACHOV
Scissâ; atq; PINU DAMBSCIJ, repentino
Moru, eruta; quantus dolor! sed ô quanta!
Nunc faustitas! cunctis adest, ad ingressum,
PRÆSUL TUUM! qui rebus arduis semper
Solamen es: Tu Cor, & Os Polonorum
Regum; Decus Gentis Tuæ, perennantis
Per sæculorum plurimos retrocessus,
Et mille fastis gloriæ, celebratæ.

Quis ergo plausus non canat? quis ad plantas
Non procidat? Celsum CAPUT salutando.
Plaudit Diœcesis, triumphat Urbs, Monsq;
Vavellus assurgit sub Astra Pastori,
Vivat canens, Vivat! perennet æternum!
Et Pallas occurrit Choris Camænarum
Stipata, Cancellario, Patri, supplex
Pangit: BENE & FELICITER VENI PRINCEPS.

ADALBERTVS de Kurozwęki MECINSKI,
CAPITANEVS OYCOV:

*Extra duas felicitatis partes, tertiam quam in vita præponas nul-
lam esse existima, BENE facere & BENE audire.*

Innocentius Petricius in Principe Polono.





PANEGYRICUS.

BENE & FELICITER veniat: solenne istud salutationis boniq; ominis acrôama, pridem ad augusta auspicata Inaugurationis Tuæ Pontificalis solennia, præfari; flagrantissimis votis expetebat, Sedes ac Magistra Studiorum Regni Academia Cracoviensis: veneratura in Te, præstantissimum DEI munus, quo gaudia feliciū, vota omnium superaret, CELSISSIME PRINCEPS, PONTIFEX OPTIME. Nunc iam, Cælo optata eventibus superante, Teq; Tuos præbente Divos lætitiæ ac felicitatis publicæ auspices; & nobis votorum fiduciam tenentibus: quidni idem voce, calamo ingenioq;, vt in immensis positi gaudijs solent, exultantiùs acclamando, ingeminet? BENE & FELICITER veniat. Qui nascendo, cūm Divūm vitam, dextro

Penatiū Genio ácepisset, Divis permistos
Heròas Avos Atavosq; suos, longâ conti-
nuaq; serie recenset; nec fastidit humana,
quò Superis propior, eò placidior: inter o-
paca, horridaq; noctium, non deerit Po-
pulo, quo veniente, dies: quinimo Sol, ille
rerum temporumq; fator, meliùs nitebit;
idemq; florum Apelles, vel media in hie-
me, ridentes purpurei veris delicias, flora-
lia, & læta Tempe adornabit. Nimirum,
optimis Principibus, dum, quatenùs fas est
mortalibus, supra cæteros Celsitudine Stir-
pis & Virtutum, evectis; Divinam boni-
tatem in se exprimunt, illaq; duntaxat par-
te, inferioribus se præesse arbitrantur, quâ
maximè profunt, multos ex miseris facien-
do felices; ipsa clarissima mundi sidera, la-
bentem Cœlo, ducentia annum, clariore
ætheris alti serenitate applaudunt; atq; al-
mæ eorum faustitati, palam dextris alpe-
ctibus præludunt; magisq; approperant,
quàm prænuntiant, bonorum venturorum
certa indicia: vt feliciorum auspices sæcu-
lorum credantur, qui suis Imperijs, bene &
feliciter inaugurantur. Sic inaugurari,
multis in voto, ast non nisi contingit spe-
ctatæ inter bonos moderationi; stâtum

mundi, supra Lunam semper serenū, inter continuos rerum humanarum turbines, ac fragorēs, imitanti. Tantū felicitatis de supernis favoribus, augurari non præsumat, præceps ambitio, iustitiæ ordinem pervertere solita, atq; in tota mortalium ratione, magna recti honestiq; momenta sternere; non aliter, quàm excussum nubibus fulmen, gaudens viam fecisse ruinā. Præfervidis illius conatibus, quamvis primò fortuna aspirare videatur, tamen ad extremū ambitū non sufficit, ex summis ad ima dejecturo, sapientem aliàs Bellerophonta: quando, eximio omnium, quæ in excelsa sorte eduntur, perfecto opere, non contentus; ultra iusti honoris metas, ambitione provehitur, & viam affectat Olympo.

Intra acceptos sideribus modestiæ fines, quæ optaverit quisq; vt bene & feliciter eveniant; non alius certior veriorq; augur, quàm animus integer, æqui boniq; conscius, vt securus meriti, ita non ambiguus præmij, spemq; sortemq; suam, supremæ Cœlorum Majestati, quæ finē discrimine vllō, iusta decernit, ex asse reponens; staturus eo, quidquid illa decreverit. Non

alius Vates melior, quàm passim ubiq; diffusus populorum plausus, arcano Numinum instinctu excitatus: quàm, ipsa solito lætior usuq; rarior temporis vicissitudo. Tam prospera signa, si optantibus cœlitus succurrunt; faustum bonumq; eventū, jam vt aiunt, in fano adesse, non ambigāt. Non ambigimus nostram felicitatem, cum Tua bonitate venire ô PRÆSUL! quam tot ritè observata Auspicia renuntiant annuntue. Nempe, ad sublimem Magni Nominis Tui famam, atq; desideratissimi Ingressus, auspiciatam festivitatem, exultantibus gaudijs, faustisq; precationibus, cuncta Regni Sarmatici, maximè tamen omnium florentissimum Poloniæ latus, Dioecesim Cracoviensem, non sine Cœlo, secundorum sponfore, personare; non tam præsagium, levi quandoq; coniecturâ excitatum est, quàm Divini Oraculi, manifesta fides. Regnatricis Aquilæ Majestas, indignata nuper præreptum hoc decus, ingentibus CELSITVDINIS TVÆ, debitum meritis; hodie dilato animorum triumpho, tantò gaudet ampliùs, quantò Cœlestibus cumulatiorem omnibus intuetur. Miratur simul incomparabilem Mansuetudinem tuam,

quæ malit illius temporis oblivionem,
quàm gloriam. Iuvat tamen propagatos
Tibi exinde, vtinam in ævum, & vitæ, &
honoris Celsissimi annos interpretari: nam
decet longiora fieri, quæ differuntur. Quan-
quam Sponsæ Tuæ inter mille suspiria lan-
guenti, & à Tua vnus augusta præsentia,
perennem vigorem præstolanti, Præsule-
am inter FASCIAM, Regum, non tantum
Antistitum verèdos Vertices, coronare sue-
tam, ac inter Tuum Gentilitium, gemmis,
& auro dignum coronari CAPUT, quia
Divinæ humanæq; Sapientiæ Sacrarium,
nihil amplius intercessile; tantum duplex
vmbra, & geminatus dolor, videtur. In
Magni IVBILEI Anno, accumulari sibi
Divinitus Cœlestium gratiarum amplitu-
dinem illa credit, quando Te bonum PA-
STOREM, singularem Cœlorum Indul-
gentiam, fortitur; ac velut Iuno sospita, Io-
vem sospitatorem amplectitur. Qui pri-
mum hunc incipientis sæculi autumnum,
vberrimo maximæ lætitiæ fructu commen-
das, ac sequentium annorum fecunditati
inauguras. Licet decumanorum malorum
fluctibus, cum exacto sæculo detumescen-
tibus, ita certò meliora, tranquillioraq; spe-

rare, & augurari, vt Te convenit venerari,
Supremos PRÆSVLEÆ Potestatis in hac
Diœcesi Fasces, Sacræq; iura Cathedræ,
BENE & FELICITER capeffentem.

Breve hoc plausuum Academicorum
prœmium, sed immensi mensura voti: an-
gustum vocibus, sed sensu menteq; profun-
dum; & tantæ amplitudinis in vasta mun-
di compage spectatur, quantæ bonitas, &
felicitas, Divinarum humanarumq; rerum
tituli, apices & coronæ. Subit tamen ani-
mum nova cogitatio, ne vulgare appare-
at, quod sæpè apparitor Academicus Sce-
ptrifer enuntiando, promulgat Verùm eri-
git mentem, solenne Romanum AVE,
matutinis accommodum salutationibus.
Illud videlicet, Satyriæ aliti in publica ce-
lebritate vsurpasse, AVE IMPERATOR
AVGVSTE, non vile pretium fuit; quod
nihilominus inter præcipua Imperatoriæ
Dignationis Insignia, Cōsularibus Mamer-
tini Fascibus, impertitur Iulianus Cæsar,
AVE CONSVL AMPLISSIME. Com-
mune equidem, & promiscuū censetur BE-
NE & FELICITER ACADEMICVM, si
spectes consuetudinē; at Tuum MAGNE
ANTISTES, proprium ac singulare, si

nostram pietatem. Quod aliàs mori tribuitur, hodie tam suavissimo Amoris imperio, à nobis exigitur; quàm blandam vim cogendi habent, acceptorum vel speratorum gaudia beneficiorum. Quemadmodum ergò, frequentissimus Divinis vatibus mos, grande suum epos, à Numine Deorum auspiciari, secundisq; successibus, supernos favores implorando, præstruere; ita mihi, sublime laudum Tuarum argumentum dicturo, à solenni formula, summam omnium votorum, quæ Divis nuncupantur, complectente; exordiri placuit. Nec iniuria; in Divinis enim virtutibus Tuis, quarum æterno splendore, Principalem Trabeati SANGVINIS Tui Fortunam, irradias, & eminens hoc PRÆSVLEÆ Celsitudinis Culmen augustius reddis, non aliud, quàm BENE & FELICITER contemplari meæ imbecillitati, persuasum habeo. Magnitudinem, quam metiri tenuitate eloquij, non opis est nostræ; duobus veluti punctis signare., Te benedicente liceat. Vtrumq; quò sincerius candidiusq; Orbi exhibeam, PRÆSVLEVVM ac PRINCIPALE, ex Te vivo Exemplari, OPTIME PONTIFEX, in

exemplum posteris imitandum, veris coloribus traducere non Apelles, nec Protogenes ego conabor. Specimen hoc Pietatis & Venerationis Academicæ, credo equidem, non sequetur eadem felicitas, quæ olim Phidiæ signum, quod simul aspectum, & probatum est. Cæterum sat bene feliciterq; cum Oratore actum fuerit, si Tu CELSISSIME PRINCEPS, quàm Iudicij Prudentiæq; Summus, tam veniæ Indulgentiæq; promptissimus, rude adhuc, ac deformatum magnæ Virtutis Tux simulacrum, benigno lumine circumfusum, aspectabilius reddes: probabisq; in eo desiderari fingendi pingendiq; artificium, non simplicissimi affectûs candorem: quo magis Cœlestia Numina, quàm thure aut ingentis pretij gemmis picturisq; delectantur.

BENE iuvantibus Superis, ac futuram PRÆSVLUM PRINCIPVMq; Claritudinem, illis præcedentibus Signis, quæ sunt insignia Virtutis, constanti gressu, per ardua & confragosa, ad magnæ fortunæ cultum, vsumq; sublimium rerum contendentis: extrâ omnis dubij aleam, feliciter succedet omne; quidquid in vita
magni.

magnificum, in honoribus excelsum: in re-
ctè factis eximium: in rebus omnibus pul-
cherrimum: Divinorum ingeniorum ora-
cula, non vulgaris opinio censuere. Ni-
hil certius ad solidæ prosperitatis securi-
tatē, nihil securius, ad perpetuæ gloriæ in-
offensum cursum, nihil gloriosius pulchri-
usuē ad visendos celsioris fortunæ hono-
res, quàm semper ad BENE supernum re-
spicere; & ad illud tanquā ad verticale hu-
manæ felicitatis punctum, vitam moresq;
componere. Circa nascentium mortalium
fortem, fataq; futura, non est laborandum,
fallaci plerumq; siderum interpretatione;
& parum refert cognoscere, dum nitun-
tur in lucem, qualis præniteat prosperus
an infestus Planetarum, aut Signorum Cœ-
lestium fulgor in ascendente? an Sol placi-
dus nascenti affulserit? an Luna obscurum
in noctem abdiderit caput? an ad bella
Mars militem exceperit? an ex humili in
sublime Iuppiter ferendum promiserit?
Fatalia ista, longè à BENE & FELICI-
TER exerrant, multorumq; vanitatem fa-
tuitate deludunt; non aliter ac olim Len-
tuli ex Libris Sybillinis, Tertio sibi Cor-
nelio post Cynnam & Syllam, Romæ fa-

tis Regnum portendi credentis. quod dum
ruinâ Patriæ molitur, pro torque aureo,
Regioq; monili, gulam laqueo frangi me-
ruit. Nec satis BENE & FELICITER
prodigiosa flamma, ad regalis Purpuræ
fulgur, Servio Tullio obscuris edito nata-
libus præluxit; quem infelicius vesana su-
perbi loceri ambitio, è vitæ Regniq; fa-
stigio, ad umbrarum Dominos detrussit.
Illustres natales, quamvis fortunæ pedes,
quispiam appellavit; cæterum vitrei, qui-
bus tam pronum frangi, quam splende-
scere: omnia statim adesse Principibus
dum nascuntur: opes, potentiam, hono-
res, Imperia, præstare fortuito possunt;
non tamen perpetuum BENE FELI-
CITERq; spondere. Perpetuus Supe-
rum favor, eorum vitæ, fortunæ, gloriæ
incrementis intendat iugiter oportet; ut
gemina hæc parvi mundi sidera, Principi
Indoli luceant semper, nunquam occidant.
BENE illustrium factorum, continuum si-
ne umbra diem accendat. FELICITER
humanum, ita à BENE perenni, ut Cynthia
à Sole lucem mutuans, adversorum no-
ctem serenet, umbras dispungat. Hic ego,
geminos illos immotos mundi vertices,

Arcti.

Arcticum & Antarcticū, pulchra imaginē
sine Zeuxis penicillo expressos, speculor.
Illum sublimem & conspicuum semper,
mens bene conscia, perpetuò etiam inter
asperos Septemtrionis rigores, attollit, ge-
mina velut justitiæ ac prudentiæ Arcto
subnixum. Hunc depressum imaginor,
in magnanimo ac bene præparato pecto-
re; quod à fortunæ, non ab invictæ men-
tis culmine deiectum, supra nubilum & in-
festum omne animo eminet: quantôq; ma-
gis inter Australes malignæ fortis pro-
cellas deprimitur, tantò animosius ad me-
ridiem veræ felicitatis eluctatur: apud se
constanter decernens; feliciorē fuisse
Socratem in carcere, quàm aliquem Ty-
rannorum in throno: Regulum in vincu-
lis, quàm Antonium in Ægyptiæ pellicis
delicijs: faustiorē Patriæ extitisse Camil-
lum in exilio, quàm Manlium in servato
à se Capitolio; quem affectati Regni cri-
men, an suspicio! de rupe Tarpeia deiecit.
Tali ac tanto animo, illud sapientis Ro-
mani effatum, immensum gloriæ calcar ad-
dit: *Malo me in castris, quàm in delicijs fortuna habeat:*
torqueor sed fortiter, bene est. Nempe nimia felici-
tas, quam vulgi deliria, à cæco volubilis

Dæ idolo expectant, virtutum scopulus
& exitium, vitiorum portus & lenocini-
um, vt à BENE cælesti non incipit, ita ad
feliciter mansurum non pertingit. Magni-
fica verba & nomina, etiamsi bonarum
rerum non inania, veram felicitatem, inte-
gramq; laudem, nullo titulo vendicant:
quandoquidem laudanda magnæ virtutis
opera inchoant, non determinant. Omnis
probæ honestæq; perfectionis, laureati li-
mites adverbia sunt; imò vt è Divinæ sci-
entiæ arcanis, sacrum carmen personat,

In vitæ meritis præstant adverbia verbis.

Iusta, fortia, & sancta agere parum est,
nisi per continuum eiusmodi heroicorum
actuum vsum & consuetudinem, fortiter,
iustè, sanctèq; agere, Tuum proprium &
& immutabile effeceris. His palmaribus
vestigijs enitendum, vt habitum recti ho-
nestiq; BENE & FELICITER ubiq;
triumphantis, induas triumphalem. Lau-
dabilia multa, etiam malos facere, in Tybe-
rijs, Caligulis, Iulianis, & Annibale Pœno
palam est: laudari nisi optimum non pos-
se, Traianus optimus Principum, nobile
argumentum dedit. Summos verò lau-
dis gradus, pulcherrima omnium virtu-
tum

tum adverbia moliuntur, vt in optimis
gloriosè absoluant. Quid igitur BENE,
nisi omnium bonorum medulla, omnium
rectè agendorum directio, omnium acti-
onum ad normam virtutis, severo moni-
tore Perseverantiæ genio, continuatarum,
comprehensio: cuius apex genuina felici-
tas, statum cunctorum bonorum aggrega-
tione perfectum, FELICITER coronans.
Sive morum scientiam, in qua Vir bonus
discitur: sive Civilem, in qua Civis bonus:
consulas; vnanime vtriusq; responsum re-
feres, bene agendi rationem, tanquam me-
dium requiri, vt beata vita vtrobiq; con-
tingat. Multa de hoc Græci præcipiant,
partem pristinae felicitatis & libertatis eti-
am hodie retenturi, si illorum posteri fa-
cto implerent, quod vetus Græcia, alma
bonarum artium altrix & Parens, doctis
præceptis sanxerat; paremque saltem si non
maiores curam gererent benedicendi &
bene vivendi, atq; salutariter bono publi-
co consulendi. Domini terrarum victo-
risq; Gentium Populi, belli pacisq; exem-
pla evoluant, qui Principale ac Præsuleum
BENE & FELICITER, intimè nosse præ-
optant. Comitia Centuriata, quibus Con-
D
fulcs

fules Tribunofq; militares, auspicato cre-
are, vice legis erat; Curiata: quæ rem mi-
litarem continebant, quid aliud in suis au-
spicijs faustisq; precationibus intendebant,
fufpirabant, exoptabant? quàm hæc duo
faustorum fucceffuum, tutelaria munimen-
ta, votorum mortalium compendia. Hæc
propter, Pontifices, Augures, & apice Di-
ali verendos Flamines, fatalesq; Sybillinos
Libros fæpius confultos: inftaurata Sacra,
vel recens instituta, renovata toties auspi-
cia, fi non rite annuerent; novis Numini-
bus vota delubra, quatenus rem Roma-
nam, novis auxilijs, BENE FELICI-
TERq; fecundarent. Hæc propter, omni-
um quæ à Dijs petuntur fuma faftigia re-
rum, Dij Deaq;, quibus imperium illud fte-
terat, maioribus Hoftijs culti, magnificis
donarijs promiffis, invocati: BENE ver-
terent, BENE iuvarent, bonis avibus ter-
râ mariq; adeffent; vt eorum ope, confilio,
præfidioq; cuncta domi militiæq; gerenda,
Imperio Romano Nominiq; Latino, BE-
NE & FELICITER evenirent. Nec mi-
rum, fi inibi fumno confilio omnia prius
acta, quàm agerentur; fortuna vt folet vel
invita, vbiq; fequeretur. Quæ inconful-

tos impetus, licet primò vt audaces iuuet,
mox vt temerarios, ipsa temeritas sapien-
tiæ inimica, destituit. Quid mirum, si ma-
iorem Africanum, ne dum veris Virtuti-
bus, etiam Divinæ Stirpis admirabilem o-
pinione, gloriosiore sui, quàm Annibalis
victorem, omnia audacissimè incipientem,
nusquam fortuna fefellit; cui BENE FE-
LICITERq; Principale, Stator Urbis
æternè Iuppiter indulsit. In cuius æde,
postquam Virilem togam sumplerat, assi-
duus, ab ore consultisq; secretis Tonantis
pendens, Divinior & sapientior redibat.
Hunc vnum omnium Imperatorum, San-
ctum, fortem, felicem, invictum, & Dijs
simillimum, Princeps mundi populus su-
spexit: gratulatus cum Maximo funebri
eius laudatore, eum apud se potissimùm
natum. necesse enim erat ibi terrarum Im-
perium esse, vbi ille esset. Numquid eti-
am placitum Numinibus, & Vrbi impe-
raturæ, grande in adversis asperisq; mo-
mentum futurum, BENE & FELICI-
TER Præsuleum, Dea Ægeria non
suasit instituendum Romanæ conditori
religionis Pompilio? Equidem maximè:
ipsum quippe præcipua sacra curare iussit,

& Pontificem instituere, qui omnibus publicis privatisq; sacris, summo iure intenderet, caveretq; nequid adversi, propter neglectum sacrorum cultum, Respublica pateretur. Hoc munere BENE FELICITERq; functus Fabius Pontifex, inter media hostium Senonum tela, religionis auxilio incolumis, in Monte Quirinali Sacrum solenne conficiet, Deosq; propitios renuntiabit. Hac sacra trabeâ conspicuus, corculum Patriæ Nasica, seditiosos Grachos tollet; solus iudicio Senatus Vir Optimus appellatus. Matrem Deûm Idæam, faustum ac gloriosum secundi belli Punici exitum daturam, triumphali apparatu in ædem victoriæ, ex oraculo Apollinis, conducet. Intererat magnitudinis Romanæ, vt imperium armis partum, iustitiâ ac religione tueretur. Sanè illam religionem, monstrolæ superstitionis arcem, & errorum summitatem recogitans; mirari nequeo, immensam supremi veri; Numinis Indulgentiam! quomodo sub tantæ falsitatis velamine, milleq; Deorum portentis illam Gentem, gentibus omnibus imperare, cuncta adversantia triumphare, siverit; daturus ei Regnum decoris, &

Dia-

Diadema gloriæ; quo, latiùs regnaret religione Divina, quàm antè dominatione humana: essetq; caput Orthodoxæ Fidei, quæ erat apex superstitionis.

Hactenus è potioribus Romanæ vetustatis imaginibus, BENE ac FELICITER PRÆSVLEVM & Principale rudis artifex, pauca sub lineamenta cœgi: gratiùs rubere arbitratus, Principalem ac Præfuleum Muricem Catholicæ Majestati congruentem, ex Ethnicis Heroicarum Virtutum rubis; prout purpura veris, & corona anni, cunctorum speciosior florum Rosa, ex horrido spinarum trunco, pulchriùs enascitur. Nunc jam Te PRINCIPEM in Nativis Tuis splendoribus tueri, vtroq; titulo PPÆSVLIS & Pontificis BENE & FELICITER eminentem, inter præcipua meæ felicitatis pono PONTIFEX OPTIME, qui cognatam cælitibus Principalem bonitatem Tuam, singulari pietate colo. BENE veritat: pandamus inclyta Augustæ Originis penetralia: pateat magni cortina theatri. Non vulgari auspicio exoritur lux, totum Europeum Orbem, occiduasq; oras, perennibus heroicorum decorum illustratura

fulgoribus: juxta atq; Sol Oriens, subito
lucis immensæ motu, cuncta terrarum se-
renat. Eximijs Heroum initijs fata infe-
sta intercedunt, vt augustiora reddant. Fu-
nestum spectaculum! immane lævumq;
Regis Hispaniarum Victoris, in Reginam
Arragonum Veronam victam, facinus! ve-
rius portentum scelerum! animus memi-
nisse horret. *Lugendam Hesionæ & An-
dromedæ mortis vicem, crudeli superbi
triūphatoris imperio, subire cogitur, fren-
dentibus spumantis Apri exposita denti-
bus, nisi novum Herculem novumq; Per-
seum, protinus Cœli provident, crimen
inauditum peragitur! Nisi invictum in hac
Amazone Bellatrice animum sexumq; Bel-
lona vindicat, nullum in consilio Deorum
Numen habet: nisi indignam etiam Rege
barbaro feritatem vlciscitur; frustra Gra-
divi consortem jactat, tantam immanita-
tem, horridus licet sit, abhorrentis. Su-
um honorem maximo in discrimine verti,
bellorum arbitra, Victis Victoribusq; al-
ternante sorte communis, Jovem Vindi-
cem, eundemq; servatorem imitata, sedit
in Martiali fortissimi DENHOFFIJ Pe-
ctore, maculosum vltura nefas.

* Nolimberg in Symbolis Portugalia
& Arragonia Regum.

Magnanime Heroum quisquis es, No-
men Decusq; Regium Successoribus Tuis
dature; si è vestigio caput furentis belluæ
fustuleris, Reginam ingruenti fato eripu-
eris, æviternæ gloriæ, in Tuæ Heroicæ
Fortitudinis erecto CAPITOLIO, tri-
umphum habebis. Quanti constet ser-
vata salus, Regniq; potestas! sciet melius
æstimare mulier Verona, quam ille alieni
sanguinis imperijq; sitiens Tyrannus. Re-
ginam nasci, Regnumq; habere, ad levem
calum sortemq; pertinere; at Regnum da-
re vel restituere, hoc Divinæ Virtutis opus,
dignum Te Rege Conforte, illa recensu-
it; si Tua insuper Dextrâ, gratissima Iovi
victima ceciderit REX iniquus. Doce-
at tandem fera crudelitas, iusto plexa sup-
plicio, non decere bonos justosq; Princi-
pes, cruenta siti alienam appetere sortem,
per strages, & ruinam Gentium, ditescere:
tanquam via lactea, non pateat magnis
Heroum Manibus, nisi cruore perfusi ru-
beant, qui BENE FELICITERq; Hu-
mano Generi præesse Cælitus iubentur.
Sciat Princeps DEI se vice in terris fun-
gi, quem maximè omnium clementia com-
mendat: Sciat Regium esse miseris indul-

genter succurrere, non humanum sanguinem, per quiduis nefandum prodigere; & quam dare non potest, vitam cupidine gloriæ, aut imperandi eripere Cogitet gratiorem esse mundi statum dum sudum serenūq; Cœlum est, quàm cum fulminibus, nimbis & murmure nubium omnia percelluntur. Pulhrum est exemplo cæli magnifica negotia pacis præferre furentis Gradivi sævitix; meliùsq; placidum ac serenum coli & amari; quàm metui fulminantem.

BENE habet: jam Sacra & Penetrales Deos regiæ stirpis Tuæ CELSISSIME PRÆSUL & PRINCEPS patuisse nobis, ingenti efferimur gaudio, & viciniùs cœlo incedimus. Lætitiæ hic impetus est claro invitatæ Virtutis specimine excitæ; non ambitionis aut vanitatis æstrum, quod Icareas mentes corripit; vt infirmis nimium petant sublimia pennis. Juvat nempe sublimi vertice, sydera contingere, legendo vel memorando factum Divinæ potentix proximum; quo BENE & FELICITER Principale; ita implevit Aragoniæ Regum pretiosissimus vnio DENHOFFIUS; vt hereditario quodam iure,
idem

idem decus, & magnitudinē animi æmulen-
tur, & ingentibus ausis in se exprimant,
quicunq; eodem Numine genereq; cenlen-
tur. Ea est alti & excelsi Sanguinis feli-
citas, vt omnium sit gloria, quæ fuit vni-
us singularis. Regnorum certa salus, pro-
spero Numine fata terrarum gloria, ingen-
tes heroum animæ, non alias veriùs pu-
ram integramq; sortiuntur laudem: quàm
si in agendo & patiando fortia, ex natura
Dei se gerant, in Toga & Sago; earum af-
fines rerum, quæ factis fortibus addunt
decus, non demunt. Illa est secura ad im-
mortalitatem nominis, & palmaris forti-
um virorum via, hæc sola digna Heroe a-
nimo victoria, palmaq; nobilis; pravas
animi cupiditates, quæ inmoderatis & in-
continentibus Dei instar sunt; potiore a-
nimi imperio in melius flectere: blandas
animorum pestes, circumfusas voluptates,
à quibus plus periculi est, honori salutiq;
Heroum quàm ab hostibus armatis; tem-
perantiâ frenare: nec finire, multa bona
vno vitio deformare, & tot meritorum
gratiam maiore culpa, quàm causa culpæ
fuerit; corrumpere. Immo non aliud Di-
js similis, & à cæteris mortalium longè

diversum negotium defensores salutis publicæ manus efficere posse, censuerim; quàm labentem publicam fortunam sustinendo, sævitiam factorum etiam propriæ vitæ victimâ, vindicando: se in libertatem & integritatem, magnæ juxta ac bonæ famæ, optimis progressibus asserere: nec magis ab hostibus quàm à vitijs, securam tutamq; Remp: præstare. Hoc ingentium animarum, rarum & nobile præconium: tam proprium Magnorum DENHOFFIORVM est; quàm cælum fulmenq; Tonantis, post sævorum bella Gigantum. Angusti pectoris anhelantia vota, & gracilis pennæ volucrum cursum, non mitto in amplissima gloriæ illorum, nullis vnquam humanis contaminatæ erroribus theatra, Italiam, Aragoniam, Britanniam, Curlandiam, Austriam, Franconiæ, Livoniam, Castiliam, altissimas Orbis Europæi occiduiq; scænas; vbi Heroes DENHOFFII stupendis laudandisq; operibus visendi, semper Roscij, plausum, & celsissimorum honorum fulgores, mereri maluerunt, quàm optare: Illustrioribus heroicarum Virtutum experimentis superando invidiam præstantius duxerunt
vbiq;

vbiq; defendere & ornare regna magnaq;
imperia; quàm habere.

Nec mihi consilium est, Polonicos e-
voluere annales; in quibus, non intermis-
sa vnquam laudandæ æmulationis serie, à
SIGISMUNDO AVGVSTO Primo
Rege Poloniarum, leguntur, summis sem-
per admoti rebus, summis conspecti in
honoribus; quos ita magna & præclara
audendo & agendo præcesserunt: vt red-
ditos potius invictæ magnánimitati suæ,
quàm præstitos accepisse viderentur Ma-
gnanimi DENHOFFII, difficiliorum in
Repub: temporum moderatores, sospitan-
tes publicam spem, vbi labascere time-
mebatur. Nec constitui mecum, antiqua
& vetera CELSISSIMÆ GENTIS in
hanc Rempublicam merita, infaustas Re-
gno extremi periculi conversiones, in
comparabili prudentia, felicitate, imper-
territi animi consilijq; candore, in opta-
tæ, non autem in tantorum malorum mi-
nis speratæ prosperitatis, faustam vicissi-
tudinem commutatas: feralibus bellis de-
cretos triumphos, & memoranda trophæa:
expedita æquè splendidissimè ac felicissimè
magnarum Legationum munera, recen-

fere. Ita enim vel innumerâ exemplorum,
laudatæ vetustatis miracula æquantium
copiâ, promptum paratumq; est obrui:
vel in serenissimo clarissimorum operum
meridie, matutinam laudationis importu-
næ umbram meditari, ridiculum. Quid-
quid olim Roma magnificum, salutare, &
splendidissimum; in diversis Principum Fa-
miliarû Heroibus amavit, laudavit, & ju-
stis vsq; ad æthera extulit honoribus: hæc
omnia in vna CELSISSIMA DENHOF-
FIORUM PROSAPIA, Serenissimum &
Invictissimum Poloniæ Regnû, BENE &
FELICITER experitur. Ceditne Papy-
ris aut Valerio, illo corporis robore! illo
animi! OTTO DENHOFF, PALATI-
NVS PARNAVIENSIS, Livonicus Tri-
umphator? HENRICVS DENHOFF,
concedit palmam militaris adoreæ Camil-
lo? rebellantis domitor Livoniæ? superant-
ne Decij, fortissimum Chiliarcham HER-
MANNVM DENHOFF, Polonici
exercitus multoties servatorem, ad Ce-
coram & VLADISLAUM DENHOFF,
PALATINVM POMERANIÆ, devotis
corporibus contra hostes Fidei Orthodo-
xæ ruentes, & fortissimis suis Manibus,

fuso

fuso barbarorum sanguine parentantes.
Hic, ad Viennam gloriosissimi omnium ex
Turcis triumphi, Invictissimo IOANNI
III, grande adiuventum cum extitisset;
ad immortalitatis Capitolium, obitu He-
roico, nobile triumphi, prætulit ferculum:
ille Tanti Regis triumphali Avo, tot sæ-
culorum, quot bellorum laureato exitu
terminatorum, dignissimo STANISLAO
ZOLKIEVIO, Supremo Exercituū Du-
ci & Regni Cancellario, dulcis & decoræ
pro Patria, inter arma mortis dedit se so-
cium; qui tanti Bellatoris, omnium con-
sors erat, & periculorum & Victoriarum.
Ceduntne Corculis, illâ prudentiâ? illâ sa-
pientiâ? illo igneo infulminandis hostibus
vigore? Tres THEODORI DENHOF-
FII, duo Vendenfes, Tertius MARIÆ-
BURGENSIS, PALATINI? ERNE-
STVM, PALATINUM PARNAVIEN-
SEM, & Svetici Leonis spiritus contun-
dentem, & Giganteos Turcarum ausus,
primo Chotimico Bello, Punicosq; astus,
exoticarum Legionum fortem pruden-
temq; Ductore, dexterrimo ac fausto præ-
liandi successu, comprimementem compe-
scentemq;, Marcello æquare non con-

gruit? Extra fines imperij nobiles demere
palmas, & ferales hostibus implantare
cupressos, numquid C. P. Scipionū gloria,
tantum erit? & non eadem decorabit
CHRISTOPHORVM DENHOFF,
CASTELLANVM VITEPSENSEM ex-
tra Mare Balticum, tumentes fluctus Sve-
ticos coërcentem; & HENRICVM M.
D. Lithvaniæ SVBDAPIFERVM, mili-
tiæ Electoralis Brandenburgicæ Genera-
lem; Poloni Nominis amplitudinem, armis
& victorijs, longè latèq; producentes. Q:
Metellum Macedonicum, optabilium re-
rum læto proventu Romæ celeberrimum,
an non Superat JLLVSTRISSIMVS
THEODORVS DENHOFF, Maximus
Regni Succamerarius, faustis Regum fa-
voribus, magnis filiorum honoribus & Illu-
strissimarum Filiarū altis Connubijs, Splen-
didissimus; & inter rara humanæ felicitatis
exempla numerandus. Scipionem Aemili-
anum Numantinum, an non præstitit Polo-
niæ & inclytæ Familiæ Magnus GERAR-
DVS Pomeraniæ Palatinus? Tam trium-
phalia militiæ ornamenta, Bellator, quàm
Civilium artium insignia monimenta Se-
nator, adeò in excelsa locaverat; vt primi

Connubialis voti fortunam, victoriosæ Il-
lustrissimorum OPALINIORVM Ar-
go, aureo Polonæ Libertatis, & perpetuæ
dignitatis vellere, onustæ, committens;
gemmam invenerit, omni humano pretio
majorem. Fatorum invidia, quando gem-
meum hoc Monile eripit, secunda vota cu-
mularunt, præmissos gaudijs majoribus do-
lores. Nam Serenissimos, Regum, Archi-
ducum, Ducum, Electorum, Principum,
in Europa, & hoc Regno Maximorum,
splendores; cum Sybilla GEORGIJ DV-
CIS BRVGENSIS FILIA, Piaſtei San-
guinis, vna & pretiosissima MARGARE-
TA Celsissimis Domûs suæ Nitoribus, con-
iunxit. Quorsum Polonis radiantia fastis
Nomina umbris involuo! dum evolueret
conor umbratilis laudator, quæ in Tuis He-
roicis facinoribus, redivivo jubare illustri-
us micant, lucemq; Phæbeâ majorem à
Tua non tam Senatoria, quàm ingentis ani-
mi purpura, mutuata; vsq; ad fidera eiacu-
lantur ILLVSTRISIME DOMINE
CASTELLANE SIRADIENSIS: qui sæ-
culum præsens, cum CELSISSIMO GER-
MANO PRÆSULE & PRINCIPE cu-
mulatâ Claritudine, BENE & FELICI-

TER exornas. Vos quoq; exuberante
laudum materia celebrare iuvabit IL-
LVSTRISSIMI DD. Comites à Den-
hoff GVBERNATOR Vrzedoviensis,
VENATOR, & INCISOR M. D. Lithva-
niæ: Vosq; lucida velut Ledæ Sidera, AN-
DREA & THEODORE S. R IMPE-
RII PRINCIPES, CAPITANEIDÆ
VISLICIENSES, ILLVSTRISSIMA
HEROIDE POTOZIA geniti, Genus
ambo, & spes magna Heroum. Nempè,
vos omnes, non tantum Majorum vestro-
rum decora, præclare augere contenditis;
sed etiam pristinos illos spiritus, acerrimos
Libertatis Polonæ Vindices, & Serenissi-
marum Maiestatum munimina fidissima,
circumfertis: magnis in Regno honoribus
breui addituri claritudinem; vnde alij in-
clarescunt. Hoc demum est, immenso
laudum Heroicarum amore incensos
DENHOFFIOS, contingere solum Io-
vis: vt memores, Avitæ prærogativæ, in
quam producti sunt: Regium ac Principa-
le Fastigiū, censeant: pereuntibus BENE-
FELICITERq; succurrere, fata irruentia
sistere, nec tantum avertere mala; etiam
beneficiorum gratias cumulare.

Non.

Nondum triumphalium AVORVM TV-
ORVM PATERNI MATERNIq; ex-
celsum gloriæ culmen sublimius Olympo,
celebratamq; per Orbem vtriusq; Nomi-
nis & gestorum magnitudinem attigi; &
jam ipsa cogitatione Tantorum PRIN-
CIPVM percellor. Quæ enim felicioris
ingenij excellentia? quæ vberioris eloquij
magnificencia Illustrissimum olim GA-
SPARVM DENHOFF PALATINVM
SIRADIÆ Serenissimorum SIGIS-
MVNDI III VLADISLAI IV Polo-
niæ Regum delitium, tam splendido Ma-
gnificoq; paratu tantaq; dignitate Orbi
videndum exprimet? qualem quantumq;
suprema Orbis terrarum Vaticana pote-
stas URBANUS VIII Pontifex Maxi-
mus & FERDINANDVS III Impera-
tor Romanorum, Regium Legatum su-
spexerunt: tanti æstimatum, vt S. R. I.
PRINCEPS rediret; qui Principali cultu
Regum negotia tractaret, & regiè enunti-
aret. Tanto Heroi, Divis auspiciis & Ju-
none secunda nubet lectissima Heroidum,
Supremi illius Exercituum Regni Ducto-
ris Castellani Cracoviensis STANISLAI
KONIECPOLSKI, quem, in vnicum

bellicæ Virtutis & Imperatoriæ gloriæ, documentū fortuna Regni Sarmatici dedisse & fatorū vicissitudines exercuisse creduntur, FILIA: Magni LVBOMIRSCIJ STANISLAI Palatini Cracoviensis insigni armatæ & togatæ prudentiæ authoramento usq; nunc clarissimi, ex Sorore Neptis: genitura filios clarissimam gratiarum sobolem, Poloniæ faustam ac salutarē STANISLAVM, SIGISMVNDVM, ALEXANDRVM. Gloriosa militiæ stipendia, & Avitæ propriæq; illustres manubiæ, STANISLAVM Præfectum Vielunensem, Patrum Tuum CELSISIME PRINCEPS, prælucentibus tædis genalibus; in Augusta DVCVM RADIVILLIORVM penetralia, vetustis tot Serenitatum Titulis adoranda, BENE FELICITERq; conducent. ALEXANDER Militares adoreas & bellicum cinctum pacatis commutabit Infulis; sacratione apice bellicas majorum laudes sideribus asser-turus. Tuum vero felix & beneficum Poloniæ periclitanti Numen (sic enim compellare decet Heroem, compar superis beneficium præstantem) quo Heliconio nectare propitiabit Academica veneratio

ratio! Magnæ spes fausta Sarmatiæ, Divis
 orte Bonis ILLVSTRISIME DEN-
 HOFF SIGISMVNDE S.R.I PRIN-
 CEPS, Sokaliensis, Boleslaviensis, GV-
 BERNATOR: in Quem capâcem & suf-
 fecturum, Inviçtiſſimus Poloniarum Atlas
 IOANNES CASIMIRVS, partem incli-
 nati orbis & ſuſpenſarum pondera rerum
 reclinat. Tibi prorſus tam grande no-
 men à Thracia Cherroneſo Mæotideq;
 Barbara, quàm olim Majori Affricano de
 Affrica, fata decernunt. * Tantùm valuit
 ſervilium armorum dedecus! ſparthaco
 Chmielnicio Duce excitatum, multiſq;
 horribile cladibus! aſt tantùm prævaluit
 Heroica pietas priſcaq; fides! publico
 conſecrata bono in DENHOFFIO dum
 (prout in proverbio eſt) à Syro reditur
 ad Cilicem ſcytharum Hanum, pacis con-
 ciliatorem, inter rebellem ſervum, & ju-
 ſtum Dominum. Credo equidem nec vana
 fides, Tutelarem D. IAGIELONIS Geni-
 um, qui Athenas Lechicas, ſuas non Cecro-
 pias bonarum artium arces, præſens ſem-
 per ſolpitat & ſalvere jubet: hunc Tibi in
 tam arctis Poloniarum rebus Divinum

*Obſidem ſe pro Patria ultro Regi obtulit ad Tattarorum
 Hanum. Veſſ: Kech: Annal: Pol: Clim: 1. l. 2.*

spiritum ac singularem animum suggestisse; ut inauditum ab orbe condito, nulli; mortalium etiam sanguine Divum senatos ferentium, intentatum, amore Patriæ omnium affectuū triumphatore, auderes dulce & decorum facinus: præteritorum & futurorum sæculorum prodigium. Prævertisti videlicet incredibili pietate, singulares Cælituum favores, qui ex umbra processurus in publicum Solem, rarum & inusitatum gratæ mentis specimen, spectante Illustrissimo Domino Parente altricibus Camenis Academicis, luculenta Oratione testari, & in perennem raræ gratitudinis tesseram consignare volueris. Nunquam tantorum sparitha genitrix Heroum exstitit: quamvis ante pugnam Musis Sacra facere solenni in more positum habuit, ut se in periculis offerrent, & bonum successum ad res memorabiles edendas darent pugnantis. Decantata illa Romanæ fortitudinis miracula, Horatius, Scævola, Clælia: & exitiabilem Quiritibus voraginem, strenuo insultu claudens Curtius, Paradigmata sint; si Tuum hunc incomparabilem Heroicum actum, pro vero miraculo, grata posteritas,

tas, & fama perennis, debitis laudibus in
cælum non feret! BENE & FELICITER
Principale in Vno, omnium sæculorum
memoriam, in sui admirationem & æsti-
mationem provocante, ILLVSTRISSI-
MI PARENTIS TVI Opere CELSIS-
SIME PRINCEPS, admiratus; centum
alias Virtutum Principalium species, tan-
quam sidera, proprium noscentia proden-
tiaq; Solem, satis digno summæ Dignita-
tis encomio, quia silentio colo. Quod
tandem Cæleste genus Orationis, æquabit
Cœlo, (quò immortalis famæ Celsitudine
dum viveret spiraretq; illatus videbatur;)
Illustrissimum, & Excellentissimum GE-
ORGIUM, Ducem in Ossolin, Comitem
in Teczyn, Supremum Regni Cancellari-
um, A V V M Tuum Maternum; mayo-
rem sæculo, cui perenne decus præstabat;
superiorem ingenijs, magna illi encomia
sollicito molimine, è sententia Apollinis
& Musarum, conantibus. Non illi itura
per posteros, stupendorum operum glo-
ria, non summum in Republica honoris
fastigium, tantum Nominis circumdede-
runt, quantum flexamina illa, nec vmbra-
tilis, aut pigmentorum lenocinio fracta;

sed virilis, sed Regia, qualem Pylij Ienis,
ore fluxisse melleâ Homerus credidit, aut
instar procellæ, orante Itacho, profusam.
Cum Polonam Majestatem, ad Summum
PONTIFICEM, ad Europæ Principes,
ORATOR circumtulisset; admirabilis
suæ Prudentiæ, Facundiæ, Splendoris, Ma-
gnificentæ, non alium laudatorem habu-
it, quàm publicû Urbis & Orbis stuporem.
Digna tanto Principe Patre Filia, imò è
tanti Iovis augusto vertice Gentilitiæ mi-
nisterio Ascix nata Pallas, Illustrissima, &
Excellentissima PARENS Tua ANNA
TERESSIA: Maternis THEOPHILÆ
DANIELOVICIÆ AVIÆ Tuæ, Con-
sanguinitatis insignibus, Serenissimum o-
lim JOANNEM III. Regem, & quid-
quid ex Tanto Principe in Sceptris, Impe-
rijs, Principalibus, Ducalibusq; Mitris, vs-
quam fulgurat; Tibi consanguineum fecit.
Ex tantorum vasto viscere luminum, lux
Tua processit! quæ hodie Caput Orbis
Poloni, insignium Regalium sedem Cra-
coviam coronat. Ex collecto in vnum
Nativorum Cognatorumq; Splendorum
sereno, velut ab alto æthere, tantâ immen-
sæ lucis copiâ irradiatum, BENE & FE-
LICI.

LICITER Principale Tuum, per omnem
Reipublicæ faciem coruscat; vt ab eius
splendore, sicut Aquilæ à Sole, omnis spe-
ciosissimi boni indicia ac experimenta su-
mat omne; quidquid generosum, vel gi-
gnit natura excelsior: vel informat indu-
stria cautior: vel extollit fors nascendi fe-
licior; vel consecrat virtus Divinior. Ita
clarissimis Principalium decorum Te si-
gnante viam Flammis, CELSISSIME
PRINCEPS, succedit in sublimē OSSO-
LINIANÆ gloriæ hæreditatem Illustrissi-
mus Dominus MAXIMILIANVS OSSO-
LINSKI, VEXILLIFER Terræ Drohicen-
sis; non vana Avitorum titulorum iacta-
tione; verum illo Entheo ingentis animi
vigore, illa pollente ingenij eloquijq; feli-
citate, cælesti consulendi agendiq; dexte-
ritate, raro eximiæ formæ decore, excel-
sam indolem commendante; seriâ deniq;
magnarum rerum, maximis in Republica
Viris congruentium, meditatione. Sum-
ma omnia, cum in illo suspiciant omnes
boni probentq;, ipse prudenti moderati-
one, ingenitæ dignitatis excellentiam ita
temperat; vt nihil in illo præter bonam
mentem bonamq; famam emineat. Augu-

sto, Serenissimi Regis AUGUSTI II iudicio & amore, magnis destinatur Curulibus: cæterum ista virtutis præmia, prius meruisse gaudet, ne subito crevisse putetur.

Iam quæ qualisve bonitas & felicitas, bono publico natos Principes Viros deceat, quantum umbratili ingenio licuit, clarum fecimus genuina veritate, à Tuo Principali murice nonnunquam in nativos aut affines deflectente fulgores; CELSISSIME PRINCEPS: nunc jam enitendum est, ut BENE & FELICITER PRÆSVLEVUM, compendio absolvam, quod in Tua Celsitudine tam longè lateq; refulget, quàm lux diei. Clarum illi Mane accendit, in LV-CENSIS Infulæ Purpura, Gentilis Tuus ANSELMVS, Summæ Lucis, sine minimo umbrarum confinio, trabeatam augem impositurus in Sede Vaticana, Dei Providentiâ ALEXANDER II, idem mortalium & Pontificū Maximus. Hic exemplo suo, æterna cæli munera ita augurari humanum genus edocuit, ut cælestium fons inexhaustus ignium Phœbus, Serenissimus moderator luminum cæterorum, quotidiano ortu, ex aurora meridiem coniungere, prudentium experientiam docet. Regalibus cæptum
auspi-

auspicijs BENE & FELICITER Principale, jure quidem sanguinis & generis Tibi cum eo commune; sed PRÆSVLEVUM singulari tantum privilegio, in Te Tuiq; simillimos transfusum. Consecravit hoc sacratissima illa gratiarum & coronarum cælestium Dispensatrix Trabea: atq; adoratum Regibus gentibusq; summi in Orbe Christiano capitis trinum Sacrosanctum Diadema adeo vendicavit; ut nulli jam in terris capiti eveniat, BENE & FELICITER PRÆSVLEVUM, nullius tempora ambiat, nisi quod sibi cæli selectissimum deprecant. Summæ isti spei parabatur, nisi citius consilio Divorum placuisset ALEXANDER DENHOFF, PATRIVS TVVS S. R. I. PRINCEPS Abbatiae Andreoviensis Administrator. Iam illum splendidissima ad FERDINANDUM III à IOANNE CASIMIRO Poloniarum Rege Legatio, & Sacros ANTISTITVM Lituos, & Eminentissimas in Ecclesia DEI Trabeas, applaudente humani generis conscientia, sperare jubebat: at æternus omnium virtutum Pontificalium splendor, gloriæ æternæ coronam capeffere, æterni vigore decreti mandavit

potiùs, quàm inter mortales supremam expectare dignitatem: æviterna claritudine, non vulgari titulo Magnum & Maximo proximum ALEXANDRVM. In hanc Ecclesiastici culminis sortem, venerat vocatus à DEO tanquàm Aaron IOANNES CASIMIRVS DENHOFF, S.R. E. CARDINALIS. Si nomina spectes, DD: Patronorū vtroq; non vano innixus, homine Major, Angelis propior: Candida castæ mentis niveiq; pectoris Lilia inter nives Sarmaticas enata, Clementi Ausoniæ cœlo invidenda, non tantum optanda præbuit. Si honores expenderis; quos decorè gessit, nulla ambitione quæritos; terfissimum honoratæ & honorandæ virtutis speculum invenies. INNOCENTIO XI. Pontificalis innocentia adamanti sine umbra; hic visus, cardo rei Christianæ, adamantinus, dignus Cæsenatensis Cathedræ Infulâ, sine vlla vitæ morumq; censurâ Antistes. CLARÆ TVMBÆ ABBA S, clarior post fata in Tumba futurus; claritatem eius, à ruinarum umbris, à gula temporis, tristiciq; vetustatis situ, aureis cælestis munificentia fulgoribus, vindicavit. Multis præterea beneficijs Ascete-

rium

rium cumulans; toto vitæ integerrimæ tractu, perfectissimum Ascetam, sine voto & Claustro, mundo exhibuit. Quantum in magna fortuna miraculum! Ita cælis excelsior factus, vota humana delusit, quibus illi summa potestas in Vrbe optabatur. Habes BENE & FELICITER PRÆSULEVM ternis Domesticis maximi momenti exemplis perfectissimum, & vsq; ad fidera notum, CELSISSIME PRÆSUL; sed in Te vno, hoc Trinum, orbis hyperboreus suspicit & veneratur omnibus numeris absolutum. Qui post Camenecensem & Premysliensem, longè angustiora Tuorum amplitudine meritorum pretia, Tiaras bonis faustisq; eventibus coronatas; quum Cracoviensem Ducali Mitra Gladioq; pollentem, felicibus auspicijs prendis; communi famæ Cracoviam alteram in Polonia Romam, per ora auresq; hominum ferenti, fidem tribues: in Tui indulgentissimi Capitis Sapientia, amore, beneficentia, & vigilantia Pastorali Capitolium nullis vincendum adversis exhibendo. Certius hoc, evigilans in gentilitijs Urbis istius portis Aquila prædicere gestit; quàm in culmine quondam

Capitolij confidens, Domitiano Imperante fertur Romanis prædixisse cornix: BE-
NE HABEBVNT OMNIA.

Non ex bonis avibus læta tantæ felicitatis auguria capimus, omni augure augurioq; potior nobis sponsor, meliorum post acerba temporum, non secus ac bonorum auctor arbiterq; operum, Tuus Animus Divini humaniq; iuris assertor Sanctissimus. In cuius sacro ac Præsuleo tribunali præsident Cancellariæ virtutes, pudor, pietas, sanctitas, fides, & sapientia, prudentiaq; Regū fato maior: quæ Regnorum Maiestatem stabiliunt, conservant felicitatem, custodiunt libertatem: falli & fallere nequeunt ob reverentiam cælestium, quæ curis Præsuleis incumbunt. Tales Augures & Haruspices, in adytis Collegiisq; Pontificum debent foveri, præsentelq; adesse: quos Deus eo fine elegit, ut bona & felicia populis nuntiarent, nuntiandoq; præstarent. Inter ipsa augustiora consecrationis Pontificalis solennia, hoc illis intimat, Apostolici muneris, pulchrum sed difficile, sublime sed operosum negotium, ritus Sacrorum ex integro purus & splendidus, Sacrum Evangelij volumen,

ria fuere. Tu verior Apollo, cuius Divinis
Oraculis responsisq; coram, tremunt fatidi-
cæ Lauri, Delphicæ Cortinæ, aurei tripod-
es silent, trepidant, cum in Tuo pleno
ingenij pectore, regnans copiosè loquen-
di Sapiencia, ora cælestia pandit. Tibi ad-
huc juveni, ultro ardua templa Musarum
patescere, arcana referari, & quodam-mo-
do ut dignareris subire venerandus hospes,
invitare videbantur; siquidem Tu igneo
volucrisq; ingenio, ea cuncta perciperes
& consummares, quæ alijs diu & seriò per-
cipiuntur discunturq;. Nulla Tibi un-
quam nova & inopina Studiorum facies
occurrit, quam non ante animo peregeris
perfecerisq;, unâ flores & fructus scientia-
rum rara ubertate fundebas. Castoris &
Pollucis locò, duo tutelaria Numina, D.
GEORGIUS & ALBERTVS, faustis cu-
nabulis Tui affulserunt; Nominibus pro-
prijs signâtes, in spem & opem publicæ
prosperitatis, quam hodie tecum advenien-
tem veneramur. Illi Gemini serenitatis
Indices, & tempestatum moderatores an-
tiquitus crediti, quàm clara imagine
veritati proluserunt: quando è scopulis
sæculi, in tranquillum Regalis Sacerdotij

feliciter enatanti, APOSTOLORVM
PRINCIPES, referant Sancta Sanctorum
Magno Sacerdoti: muniuntq; bonorum
processuum viam Regiam, Cruce PE-
TRVS benedictionis; PAVLVS, prote-
ctionis Ense; ut Tu in Ecclesia Dei im-
mensæ scandas culmen gloriæ. Iam Tu-
um Caput gemmeum, Augustæ Illustrissi-
mi Capituli Cracoviensis coronæ ambiunt;
jam Abbatales Vittovienses circumpo-
nuntur INFVLÆ: jam cæteri Ecclesiastici
Magistratus, à Te exposcunt ornari. Pro-
num Tibi erat, cognatis OLSZOVIA-
NIS FALCIBVS nobiles Honorum mete-
re, & in Tuum decus colligere palmas:
annuente Magno ANDREA OLSZO-
VIO, Archiepiscoporum Gnesnensium, &
Primatum Principumq; Regni Apice sum-
mo, & fastigio. Ceterùm omni ambitu
procul, prima cura fuit, quâ non alia no-
bilio, omne laboris honorisq; punctum
tulisse; inter obsequia & negotia Regali-
um Majestatum: ad quæ gerenda accessisti
illo vivido spiritu, masculo adversus for-
tuitum omne, Sapientiâ obfirmato; quem
ex tot Avis. Atavisq; hausisti tantorum
Fulgorum capacissimum.

vertici Pontificio imminentem tenendo. Porro quid aliud, ex Græco Idiomate Evangelium sonat? Nomenclaturam eius ab ^{eu} & ^{αγγελος} deducendo, nisi BENE & FELICITER nuntio. Expendant secum iugiter boni Præsules, Angelos, conscientiae purioris nitore, integritate, mansuetudine, pervigili commissorum populorum tutelâ, se esse debere; ut munus suum, ritè impleant, in lenitate Spiritûs, non in procella nec turbine. Cogitent se segregatos ab humanis cætibus ac consortijs, non doctrinae salubris subtractione; sed rerum cælestium contemplatione: terrenorum contemptu bonorum, nisi ratio pulchrè ac decorè inter splendores Aulae versandi, ulum horum & adjumentum requirat; extra luxûs immensa studia, qui cuncta rapit, ut perdat; non ut frugaliter vutur, non ut prudenter largiatur. Considerent, magni referre Antistitum; frequentibus docendi, exhortandi, corripiendi, instando pugnis; blandimenta vitiorum, specie & umbrâ Virtutis fallentium; aut apertè ingruentium colluviem, toto cælo proscribere; Virtutum regnum stabilire; novas honestatis & probitatis Colo-

nias deducere; in tot humanis erroribus, innocentiae clypeo munitos, sæpius pœnitentiâ, quàm pœnâ contentos esse; parvis peccatis veniam, magnis severitatem commodare.

Hoc est genuinum BENE & FELICITER nuntiare Præsuleum, TIBI CELSISSIME PRINCEPS, rara felicissimæ indolis capacitate; adhuc in cunis antequam loqui posses usurpatum. Claris videlicet signis & ominibus, Te vix natum adeo BENE FELICITERq; circumstantibus; ut sine voce enuntiare ea viderentur: quæ Tu ulterioribus annis præstiturus, non sine miraculo, eras. Nimirum necesse est, ut maiores notas ventura præmittant, quæ ad magna Superum destinatione, non temerè nascuntur. Septimus dies Mensis Aprilis qui lucis & vitæ auras aperuit, simul modos causasq; vivendi portendit. Auspicatissimum hunc veteres habuêre, quo natum Apollinem credebant: eundemq; solennibus ceremonijs, uti Castoris & Pollucis natalem, qui custodes Urbis habebantur, gens Romulea celebrabat. Hæc ethnicae superstitionis involucra, falsa licet sint; Tuæ futuræ magnitudinis, vera augu-
ria

Quanta curarum moles, quanta laudum & laudandorum materies, dicentis obtundunt conatum; quæ tuæ Divinæ mentis intendebant vigorem. Sufficit ad totam laudem, immo omnem superat gloriam, à IOANNE III. & REGINA MARIA CASIMIRA, qui intelligentiâ, prudentiâ, & Sapientiâ, cunctos mortalium antecesserant, Te sæpius auditum, semper laudatum, probatumq; tantorum æstimationem Principum, maiorum immensæ Virtutis moliminum incitamentum habuisse. Cum ergo in facie utriusq; Maiestatis & Serenissimæ Reipublicæ, more modoq; Doctoris gentium, è sacro suggestu fulminares; vel cum Magno Ambrosio, meram ambrosiam & nectarea verba funderes, quandoq; in nevos delinquentium, virilis Eloquentiæ aculeos stringeres: vel cum D. Chrisologo Divinæ charitatis aurum, ore facundo promeres; affusis audientium populorum agminibus, Te BENE & FELICITER omnia nuntiare vidit probavitq; Rex, tantus æstimator ingeniorum; quantus hostium triumphator; bellorum tonitru, subiectorum Censura & Serenitas. Vidit, & Fascibus Præsuleis or-

nare non distulit, & fidissimi Ephestionis, cuius fidem, prudentiam, industriam, exploratam habuisset; non os, quo Regum oracula promuntur, a quo iura populi accipiunt; ast animum, ad fidele obsequium Maioris annuli gemmâ obsignavit: Supremum Regni CANCELLARIVM eligendo. Magistratus hic, non nisi exercitatissimi in publicis negotijs causisq; gravioribus ingenij & iudicij munus æquè onerosum ac gloriosum censetur. Sacratorem Arcopagum dixeris, in quo humani generis fata librantur versanturq; luctamina populorum componuntur: aut Religione venerandum iustitiæ delubrum, quo ex toto Regno vota miserorum supplicumq; concurrunt: Regium aureæ libertatis augustal, legum tutelam, & acerrimam custodiam, cuius beneficio, Maiores nostri non Regem in imperio, sed leges in Rege timeri volebant: tenacissimum Reipublicæ vinculum, quo duæ diversæ res Majestas & libertas pulcherrimè cohærent. Tàm ardui & difficillimi negotij genus, inter tot fulmina fatorum supremam planè Regno ruinam aut tristem Cathastrophën minantium, tot Civilium

fluctuum periculosas agitationes, quàm placidè, sanctè, salutariter, magno animo & consilio expediveris: Regis & Reipublicæ consensus approbat & applaudit. Ambigua Invictissimi AVGVSTI II. Regis Poloniarum, regnandi auspicia; cum faustis ominibus erexeris, optimis consilijs firmaveris; iure optimo stabilem Regalis gratiæ favorem solidasti: quo factum est, vt dignior omnium censereris, qui Cor Regnatricis Aquilæ & Coronam, in sede Regni & Episcopatus Tui, PRÆSVL ac PRINCEPS custodires; quæ tantisper in Tuo sinu reclinata, tot adverforum minas gloriosè triumphavit.

Salve igitur bonorum feliciūq; PRINCIPVM ac PRÆSVLVM gemma crystallo nitidior, adamante solidior; cuius integerrimæ mentis decor & fortitudo indumentum. Salve & à facie nimium decora dilectissimæ Sponsæ Tuæ, tristiā iam tandem umbrarum velamenta remove: Serenissimo totius lætitiæ vultu, diem gratiarum, pande, atq; Tuo splendore mica. Sis felix populo, qui Tibi vndiq; circumfunditur, nec gaudentis videntisq; desiderium expletur, donec manum erexeris ad

benedicendum. Datum hoc erat felicitati CLEMENTIS VIII, vt primò post millesimum, Sexcentefimum, Magni IUBILEI Anno, & sæculum inauguraret; & GEORGIUM I. EPISCOPVM CRACOVIENSEM, RADIVILIVM CARDINALEM, pium Sanctumq; benedictione Pontificia, ad triumphantis Ecclesiæ possessionem prosequeretur. Verum melius feliciusq; nobiscum hodie ad Magni IUBILEI celebritatem, peculiaris supremi Numinis indulgentiâ procedet vt Sanctissimus PONTIFEX, eius Nominis CLEMENS XI & Tu CELSISSIME PRINCEPS II. GEORGIVS EPISCOPVS CRACOVIE NSIS, ambo pares annis, è voto solenni publico, primo post Millesimum Septingesi mũ Anno, ita sæculum auspiciari valeatis, vt & felicitatem sæculi & vitæ longitudinem producat in ævum. Sic Pater ille Deum faciat & PONTIFEX sæculorum: sic iste, Vicariâ in terris Apostolicæ potestatis plenitudine supereminens TE OPTIMUM PRÆSVLEM ac PRINCIPEM BENE ac FELICITER Faciat EMINENTISSIMUM.



Biblioteka Jagiellońska



stdr0026828

